

فروغ ملک شمس الدین محمد کُرت توئی که هجو ملک سر بسر همه جانی
مشقی که ز هجرت رسید بردل من بکنه آن نرسد فهم انس و جانی

واضح صورتده فتحه ایله یازیلشدر [مذکور مجموعهدن مجموعہ صاحبی «محمد امین هروی» نک هراتک صفویلر طرفندن اشغالی متعاقب مصره کلدیکی کوریلپور] . « ملوک کُرت » کُ
پایتختی اولان «هرات» ه منسوب اولان بومالمر البته بوسالاله اسمنک فتحه یاخود ضمه ایله اولدیغنی پک ای بیلیورلردی . «وجیه الدین نسفی» نک یوقاریده ذکر ایتدی کمز بیتنده «کُورت» کله سنه کلنجه، بوذات بویتی «شمس الدین محمد کُرت» کُ وفاتی مناسبتیه تاریخ اولارق یازدیغنی ایچون مصراع اولده کی «شمس کُرت» کله سیله «شمس کُورت» کله سی آراسنده کی مناسبت، یینلرنده شین، میم، سین، کاف، رأ، ت حرفلرنک مشترک اولماسندن و پادشاهک وفاتی قیامت قوپماسیله کونشک نوری زائل اولماسینه معادل کلدیکندن باشقه برشی اولاماز . بالعکس دیگر برقوتک تأثیرینه معروض قالغنی آ کُدران مجهول صیغه سی موت وهلا کنی تلمیح ایتیه سی مناسبتیه، مصراع اولده کی «کُرت» کله سینک هیچ بر «مجهول» صیغه سی علامتی حائر اولمامای موافقدر . یعنی «کُورت» کله سی بوجهته گویا «کُرت»، کُورت» کی فتحه لی برصیغه یه مقابل کتیر بلیش اولقله، سالاله نک اسمی فتحه ایله اولدیغنه دلالت ایده بیلیر . ایشته بوکی مختلف دلیلره استناداً هر حالده بوسالاله نک اسمنی صورت قطعیه ده «کُرت» دییه قبول ایتک و او ایله یازمق لازمدر .

اصغر زکی و لپدی

« قورقود » ه عاند

تورکیات مجموعہ سنک برنجی جلدنده مندرج « قورقود » حقنده کی مقاله دقیمی جلب ایتدی . قیرغیز - قازاقستانده « آق مولا » شهرندن ۱۱۰ فرسخ مسافه ده [۱]

[۱] مکتوب صاحبی بوداغلرک (داها دوغروسی تپلرک) آقولانک جهت اربعه سندن هانکی طرفنده واقع اولدیغنی کوسترمیور . آقوللا شهرینک شالنده « مونچاقی اورمانی » موجود اولدیغنی حقنده معلوماًن وارسه ده، « دو مبرالی » و « مونچاقی » داغلی حقنده معلوماًن یوقدر (مدیریت) .

« مونچاقی » و « دومبورالی » نامنده ایکی اوفاجق داغ واردر . بونلر بری دیکرندن بش فرسخ مسافه ده در . بوراده یاشایانلر، قیرغیز - قازاقلرک « آرغین » بوینک « مومن - کیره ی » قبیله سنه منسوب « اورتایوز » لدرر . بونلر ده بو ایکی داغه دائر شو روایت مشهوردر :

اسکی زمانده « قورقورد آتا » نامنده بری قازاق - قیرغیز بوز قیرلرنده آئنده طنبور اولدینی حالده کزه ردی . « مونچاقی = مونچاقلی » داغنده طنبورینک مونچاغینی [۱] ، « دومبرالی » داغنده طنبورینی اونوتارق براقشدر . او واقعه دن صو کرا بوداغلرک بری « مونچاقی » ، دیکری ده « دومبرالی » نامیله شهرت بولملردر .

قازاقستان آقولا ولایتی « اسپاس »

عبدالمنعم اوغللارنده حمید صمیری

« بوزقورد » حقنده

اورانخای تورکلرینک شامان دعالرنده اولدینی کی اسلام قیرغیز - قازاقلرک باقی دعالرنده [« ارفاح » ه توجیه اولونان الهیارنده] ده قورده خطابی کوروپورز :

اويدان کیلکن اون بوزی
سو بورینک ایچنده
آلتی آوزدی کوك بوری !

رادلوف « توك خلق ادبیاتی نمونه لری » جلد ۱۱۱ ص ۴۹

عبدالقادر

[۱] « مونچاق » باقوش تویلرندن زینت ایچون آینه رقی آصیلان پوسکولردر (مدیریت) .